

110 學年度校內語文競賽客家語朗讀文章（四縣腔）

編號 1

【賣菜】謝惠如原作

記得讀三年生該下，屋下人多食用乜多，阿姆除忒做田事還愛打理屋下人个三餐，故所利用屋側角該空地來種菜，種啊種欸，菜嘎多到食毋去，將就載去街項賣。

九冬十月禾仔割忒後，一個祭日阿姆愛偌跔佢去搨賣菜，去到菜市场个路脣，阿姆頓好自行車，同後斗疊到尖起來个角菜，下十過抓¹下來喊偌在該掌等賣，無講橫無講直佢自家又隨載去街項等來賣也，攞偌一儕人在該呆呆，毋知愛仰結煞正好。

偌本成就面皮薄，見看著毋識个人就會面紅濟炸，莫講愛喊人買菜，無結無煞个偌，敗勢到頭犁犁仔，全毋敢臥起頭來看人，好得隔壁賣番薯个老伯姆看偌恁恬又畏羞，笑笑仔講：「細阿妹仔，毋使驚，你做你大聲喊賣菜，人家聽著就會撇轉來看你賣麼个，無定著有佢想愛買个菜，鴨嫲嘴乜罔吮正有好食，來！偌喊分你聽：『來唷！來買番薯唷！好食个番薯，粉又甜哦！包你食也還會倒

轉來買唷！』」聽著老伯姆个喝賣後，偌就膽膽仔試喊啊：「來唷！來買菜哦！一抓十個銀定定。」正喊啊煞，一個阿姨人聽著隨停下來買，還說偌恁乖恁曉得。聽著佢个阿謔，偌暢到緊喊緊大聲，行過吾面前个人，十個有八個大體會停下來同偌買菜，無幾久就賣忒也，分偌試著賣菜一息仔都毋會難。

冬下頭日仔短，臨暗仔放學轉到屋下，鞋一脫衫一換，跔等就走去菜園同阿姆搨摘菜。暗晡頭食飽夜後，同阿哥兩儕開始擇菜、秤菜，偌兜負責个事頭，除忒愛同一頭一頭仔有黃葉還過燥葉个菜蓋仔²擘忒以外，還愛膠有泥个菜搨淨來，整理好勢也，正一抓一抓仔秤畀平重綳起來。阿姆不時吩咐偌兜：「有東西好賣，斤兩定著愛罇，雖然正十銀八角又乜係錢，秤頭就係路頭，毋好去梟批人。還有賣食个東西，自家愛敢食个正好拿去賣人。」這兜話偌全記在心。

賣菜雖然係一種小生理賺無麼个錢，也無麼个大學問，毋過對這擇菜、賣菜个過程裡肚，分偌學著盡多做人做事个道理。

¹ 下十過抓：音 ha ` siib go za ` ；解下十多把。

² 菜蓋仔：音 coi hab ` e ` ；指所有蔬菜外層較老較黃的葉子。

新竹市東區東園國民小學

110 學年度校內語文競賽客家語朗讀文章（四縣腔）

編號 2

【祕密森林】林貴珠原作

佢從細盡好在山林肚、河壩脣搞寮，一到放寮日就一哪仔野上野下搞到斷烏正轉屋，記得讀小學該下，總係好珍阿娥厥姆去美濃山下拈樵。阿娥厥爸盡早就過身咗，單淨倚恃厥姆做小工來畜一屋大細，阿娥盡知人我，放寮日都會珍厥姆去山肚拈樵相添，佢輒常珍衫尾，同佢兜共下去山林肚遠寮，對佢來講這座山林肚全全寶。

打早佢就帶等飯筲仔同佢兜共下去，在山林肚佢兜搞園分人尋，同這一大片个山林變做佢兜个運動坪縱上縱下¹，在樹頂蹶上蹶下無輸山猴仔，麼个愁慮早就飛走哩，飛到天仔恁高，佢个心情就像著等靚靚花裙在該跳舞个揚蝶仔，飛上飛下恁自在、恁快樂。走到汗流脈落就去山坑脣搞水，山坑水清又清、啱一口透心涼，坑水涼又甜，較贏雜貨店个枝仔冰。續等貶石頭捉蝦公、捉毛蟹、捉魚仔，唱等佢自家个山歌，快樂个歌聲珍等坑水傳遍歸隻山窩壠壁，流過莊頭，流到闊野野个天際。

成時會有膨尾鼠來做伴，厥面頰卵蠕蠕動看等佢兜手頂个零嗒，錫到厥口涎水強強就會跌下來哩，盡得人惜；還有領領拜个山狗太，佢看你，你看佢，成時又自家搞到四腳惹天，盡生趣。行到笏竹頭下聽著唧唧滾个聲音，佢兜就摻手頂銅笏仔裝滄个水灌入地泥个空仔，無幾久就看著另外一個空仔趟出土狗仔來，一隻、兩隻下擺仔做得透著三、四隻个土狗仔。搞到瘡哩坐在香絲樹下，山風柔柔吹過樹林，聽等土狗仔唧唧滾挨弦仔，山坑水同笏竹和出大自然个樂曲，這係最錫人聽个大自然音樂。

暢樂个時間總係恬恬仔溜啊過，一矚目就到斷烏哩愛轉屋咧，猴嫵背等猴子攀籬吊壁愛轉竇，佢兜就踏等紅霞下山，貓頭烏咕咕滾同佢兜講：「正來寮！」阿伯姆孩等滿滿个幸福，佢乜袋等滄滄个快樂轉來，感謝這座山林加添佢生趣又無共樣个童年生活，感謝一路里來陪等佢成長个好山好水，對佢來講搞上搞下毋當美濃山下，這係吾心肝肚最靚个祕密森林。

¹ 縱上縱下：音 jjung' song' jjung' ha'；跑來跑去。